

蒙 求

是唐朝李翰編著的以介紹掌故和各科知識為主要內容的兒童識字課本。

李翰，唐朝詩人，趙州贊皇人，李華之子生卒年不詳。擢進士第，天寶中，寓居陽翟，累遷翰林學士，客死陽翟。據《新唐書藝文志》載，有文集三十卷傳於世。因為《蒙求》讀物始於李翰，故後世人都稱“李氏蒙求”。後來人們紛紛摹仿，產生了眾多的都以“蒙求”為名的讀物，如《廣蒙求》、《敘古蒙求》、《春秋蒙求》、《左氏蒙求》、《十七史蒙求》、《南北史蒙求》、《三國蒙求》、《唐蒙求》、《宋蒙求》等等，於是“蒙求”在長期的封建教學中形成了一種體裁。

李翰《蒙求》全書都用四言韻文，每四個字是一個主謂結構的短句，上下兩句成為對偶，各講一個掌故，總計 2484 字。全書所講的，大部分是歷史人物故事，也包括一些傳說人物故事，其中有表現某種可取言行的，有帶有激勵勸勉意味的，有文學上膾炙人口的軼聞，如“王商止訛”、“西門投巫”、“孫敬閉戶”、“屈原澤畔”、“綠珠墜樓”，其中很多成為後來《三字經》、《龍文鞭影》、《幼學》取材的來源。如“女媧補天”、“長房縮地”、“杜康造酒”、“蔡倫造紙”等。從思想內容上看，自然難免有一些宣揚封建思想意識的東西，但跟其他許多蒙書比較，李氏《蒙求》還是屬於取材較好、境界較廣的一種。

後人程端禮把李氏《蒙求》與《千字文》相提並論，可見其在蒙學中流行之廣，從歷代注釋《蒙求》者之多，以及大批蒙書都採用《蒙求》的編法和名稱，可見它在社會上影響之大。根據一些記載來看，這本書大概一直流行到清初以後才漸趨湮沒失傳。

自李翰首創《蒙求》一千多年來，蒙書迭出，這對於封建啟蒙教育起了一定的影響。它們的共同特點是整齊押韻，便於誦讀，即達到了識字的目的，同時又增長了兒童的知識，為下一步教學打下了良好的基礎。它也從某些方面反映了封建時代對啟蒙教育的重視程度。

《蒙求》

王戎簡要，裴楷清通。孔明臥龍，呂望非熊。

楊震關西，丁寬易東。謝安高潔，王導公忠。

匡衡鑿壁，孫敬閉戶。邳都蒼鷹，甯成乳虎。

周嵩狼抗，梁冀跋扈。郗超髯參，王珣短簿。

伏波標柱，博望尋河。李陵初詩，田橫感歌。

武仲不休，士衡患多。桓譚非讖，王商止訛。

嵇呂命駕，程孔傾蓋。劇孟一敵，周處三害。

胡廣補闕，袁安倚賴。黃霸政殊，梁習治最。

墨子悲絲，楊朱泣岐。朱博烏集，蕭芝雉隨。

杜後生齒，靈王出髭。賈誼忌鵬，莊周畏犧。

燕昭築台，鄭莊置驛。瓘靖二妙，岳湛連壁。

郤詵一枝，戴馮重席。鄒陽長裾，王符逢掖。

鳴鶴日下，士龍雲間。晉宣狼顧，漢祖龍顏。

鮑靚記井，羊祜識環。仲容青雲，叔夜玉山。

毛義捧檄，子路負米。江革忠孝，王覽友弟。

蕭何定律，叔孫制禮。葛豐刺舉，息躬曆詆。

管甯割席，和嶠專車。時苗留犢，羊續懸魚。

樊噲排闥，辛毗引裾。孫楚漱石，郝隆曬書。

枚臯詣闕，充國自贊。王衍風鑒，許劭月旦。

賀循儒宗，孫綽才冠。太叔辨洽，摯仲辭翰。

山濤識量，毛玠公方。袁盎卻座，衛瓘撫床。

于公高門，曹參趣裝。庶女振風，鄒衍降霜。

范丹生塵，晏嬰脫粟。詰汾興魏，驚靈王蜀。

不疑誣金，卞和泣玉。檀卿沐猴，謝尚鳩鵲。

秦初日月，季野陽秋。荀陳德星，李郭仙舟。

王忱繡被，張氏銅鈎。丁公遽戮，雍齒先侯。

陳雷膠漆，范張雞黍。周侯山嶷，會稽霞舉。

季布一諾，阮瞻三語。郭文游山，袁宏泊渚。

黃琬對日，秦宓論天。孟軻養素，揚雄草玄。

向秀聞笛，伯牙絕弦。郭槐自屈，南郡猶憐。

魯恭馴雉，宋均去獸。廣客蛇影，殷師牛鬥。

元禮模楷，季彥領袖。魯褒錢神，崔烈銅臭。

梁竦廟食，趙溫雄飛。枚乘蒲輪，鄭均白衣。

陵母伏劍，軻親斷機。齊後破環，謝女解圍。

鑿齒尺牘，荀勗音律。胡威推謙，陸績懷橘。

羅含吞鳥，江淹夢筆。李廡清貞，劉麟高率。

蔣詡三徑，許由一瓢。楊僕移關，杜預建橋。

壽王議鼎，杜林駁堯。西施捧心，孫壽折腰。

靈輒扶輪，魏顆結草。逸少傾寫，平子絕倒。

澹台毀璧，子罕辭寶。東平為善，司馬稱好。

公超霧市，魯般雲梯。田單火牛，江迻爇雞。

蔡裔殞盜，張遼止啼。陳平多轍，李廣成蹊。

陳遵投轄，山簡倒載。淵客泣珠，交甫解佩。

龔勝不屈，孫寶自劾。呂安題鳳，子猷訪戴。

董宣強項，翟璜直言，紀昌貫虱，養由號猿。

馮衍歸裡，張昭塞門。蘇韶鬼靈，盧充幽婚。

震畏四知，秉去三惑。柳下直道，叔敖陰德。

張湯巧詆，杜周深刻。三王尹京，二鮑糾慝。

孫康映雪，車胤聚螢。李充四部，井春五經。

谷永筆劄，顧愷丹青。戴逵破琴，謝敷應星。

阮宣杖頭，畢卓甕下。文伯羞鰲，孟宗寄鮓。

史丹青蒲，張湛白馬。隱之感鄰，王修輟社。

阮放八雋，江臬四凶。華歆忤旨，陳群蹙容。

王濬懸刀，丁固生松。姜維膽鬥，盧植音鐘。

桓溫奇骨，鄧艾大志。楊修捷對，羅友默記。

杜康造酒，蒼頡制字。樗裡智囊，邊韶經笥。

滕公佳城，王果石崖。買妻恥醮，澤室犯齋。

馬後大練，孟光荆釵。顏叔秉燭，宋弘不諧。

鄧通銅山，郭況金穴。秦彭樊轅，侯霸臥轍。

淳於炙輶，彥國吐屑。太真玉台，武子金埒。

巫馬戴星，宓賤彈琴。郝廉留錢，雷義送金。

逢萌掛冠，胡昭投簪。王喬雙鳧，華佗五禽。

程邈隸書，史籀大篆。王承魚盜，丙吉牛喘。

賈琮褰帷，郭賀露冕。馮媛當熊，班女辭輦。

王充閱市，董生下帷。平叔傅粉，弘治凝脂。

楊生黃雀，毛子白龜。宿瘤採桑，漆室憂葵。

韋賢滿籬，夏侯拾芥。阮簡曠達，袁耽俊邁。

蘇武持節，鄭眾不拜。郭巨將坑，董永自賣。

仲連蹈海，範蠡泛湖。文寶緝柳，溫舒截蒲。

伯道無兒，嵇紹不孤。綠珠墜樓，文君當壚。

伊尹負鼎，甯戚叩角。趙壹坎壈，顏駟蹇剝。

龔遂勸農，文翁興學。晏樂揚揚，五鹿岳嶽。

蕭朱結綬，王貢彈冠。龐統展驥，仇覽棲鷹。

葛亮顧廬，韓信升壇。王褒柏慘，閔損衣單。

蒙恬制筆，蔡倫造紙。孔伋緼袍，祭遵布被。

周公握髮，蔡邕倒屣。王敦傾室，紀瞻出妓。

暴勝持斧，張綱埋輪。靈運曲笠，林宗折巾。

屈原澤畔，漁父江濱。魏勃掃門，潘嶽望塵。

京房推律，翼奉觀性。甘甯奢侈，陸凱貴盛。

幹木富義，於陵辭聘。元凱傳癖，伯英草聖。

馮異大樹，千秋小車。漂母進食，孫鐘設瓜。

壺公謫天，薊訓曆家。劉玄刮席，晉惠聞蟆。

伊籍一拜，酈生長揖。馬安四至，應璩三入。

郭解借交，朱家脫急。虞延克期，盛吉垂泣。

豫讓吞炭，鉏麀觸槐。阮孚蠟屐，祖約好財。

初平起石，左慈擲杯。武陵桃源，劉阮天臺。

王儉墜車，褚淵落水。季倫錦障，春申珠履。

甄後出拜，劉楨平視。胡嬪爭擣，晉武傷指。

石慶數馬，孔光溫樹。翟湯隱操，許詢勝具。

優旃滑稽，落下歷數。曼容自免，子平畢娶。

師曠清耳，離婁明目。仲文照鏡，臨江折軸。

樂巴喫酒，偃師舞木。德潤傭書，君平賣蔔。

叔寶玉潤，彥輔冰清。衛後發鬢，飛燕體輕。

玄石沈湎，劉伶解醒。趙勝謝屐，楚莊絕纓。

惡來多力，飛廉善走。趙孟疵面，田駢天口。

張憑理窟，裴頡談藪。仲宣獨步，子建八鬥。

廣漢鉤距，弘羊心計。衛青拜幕，去病辭第。

酈寄賣友，紀信詐帝。濟叔不癡，周兄無慧。

虞卿擔簦，蘇章負笈。南風擲孕，商受斲涉。

廣德從橋，君章拒獵。應奉五行，安世三篋。

相如題柱，終軍棄繻。孫晨槁席，原憲桑樞。

端木辭金，鐘離委珠。季劄掛劍，徐稚致芻。

朱雲折檻，申屠斷鞅。衛玠羊車，王恭鶴氅。

管仲隨馬，蒼舒稱象。丁蘭刻木，伯瑜泣杖。

陳達豪爽，田方簡傲。黃向訪主，陳寔遺盜。

龐儉鑿井，陰方祀灶。韓壽竊香，王濛市帽。

句踐投醪，陸抗嘗藥。孔愉放龜，張顥墮鵲。

田豫儉素，李恂清約。義縱攻剽，周陽暴虐。

孟陽擲瓦，賈氏如皋。顏回簞瓢，仲蔚蓬蒿。

糜竺收資，桓景登高。雷煥送劍，呂虔佩刀。

老萊斑衣，黃香扇枕。王祥守柩，蔡順分椹。

淮南食時，左思十稔。劉惔傾釀，孝伯痛飲。

女媧補天，長房縮地。季珪士首，長孺國器。

陸玩無人，賈詡非次。何晏神伏，郭奕心醉。

常林帶經，高鳳漂麥。孟嘉落帽，庾凱墮幘。

龍逢板出，張華台坼。董奉活燮，扁鵲起虢。

寇恂借一，何武去思。韓子孤憤，梁鴻五噫。

蔡琰辨琴，王粲覆棋。西門投巫，何謙焚祠。

孟嘗還珠，劉昆反火。姜肱共被，孔融讓果。

端康相代，亮陟隔坐。趙倫鷓怪，梁孝牛禍。

桓典避馬，王尊叱馭。晁錯峭直，趙禹廉倨。

亮遺巾幘，備失匕箸。張翰適意，陶潛歸去。

魏儲南館，漢相東閣。楚元置醴，陳蕃下榻。

廣利泉湧，王霸冰合。孔融坐滿，鄭崇門雜。

張堪折轅，周鎮漏船。郭伋竹馬，劉寬蒲鞭。

許史侯盛，韋平相延。雍伯種玉，黃尋飛錢。

王允千里，黃憲萬頃。虞駢才望，戴淵鋒穎。

史魚黜殯，子囊城郢。戴封積薪，耿恭拜井。

汲黯開倉，馮驩折券。齊景駟千，何曾食萬。

顧榮錫炙，田文比飯。稚珪蛙鳴，彥倫鶴怨。

廉頗負荊，須賈擢發。孔翊絕書，申嘉私謁。

淵明把菊，真長望月。子房取履，釋之結襪。

郭丹約關，祖逖誓江。賈逵問事，許慎無雙。

婁敬和親，白起坑降。蕭史鳳台，宋宗雞窗。

王陽囊衣，馬援薏苡。劉整交質，五倫十起。

張敞畫眉，謝鯤折齒。盛彥感螯，薑詩躍鯉。

宗資主諾，成瑨坐嘯。伯成辭耕，嚴陵去釣。

董遇三餘，譙周獨笑。將閻仰天，王淩呼廟。

二疏散金，陸賈分橐。慈明八龍，禰衡一鶚。

不占隕車，子雲投閣。魏舒堂堂，周舍諤諤。

無鹽如漆，姑射若冰。邾子投火，王思怒蠅。

符朗皂白，易牙淄澠。周勃織薄，灌嬰販繒。

馬良白眉，阮籍青眼。黥布開關，張良燒棧。

陳遺飯感，陶侃酒限。楚昭萍實，束晰竹簡。

曼倩三冬，陳思七步。劉寵一錢，廉範五袴。

汜毓字孤，郗鑒吐哺。荀弟轉酷，嚴母掃墓。

洪喬擲水，陳泰掛壁。王述忿狷。荀粲惑溺。

宋女愈謹，敬薑猶績。鮑照篇翰，陳琳書檄。

浩浩萬古，不可備甄。芟繁摭華，爾曹勉旃。

資料來源：語文資源網 大家藝文天地 轉載

全書字數：3,756 字